

大矩既兆形束壤制舉陸紛布廣輪周達其土有堅壚偃瀦之異其氣有暑寒陵衍之殊凡民之生剛柔燥濕各安其性言語嗜慾皆應其類是以莅政施教必因時順宜以利導之察陰陽向背候序遲速之度循原隰水澤肥墪高下之宜因其所喜以勸善因其所惡以禁姦勿繩之以所不安勿恫之以所不知夫楫雖利不可以逾嶺輻雖廣不可以濟川權衡準繩異形而皆施丹青膠漆不同而皆用勢各有適物各有當此爲治之軌不可替也昔者文命之聖區別九州定其山川分其圻界條其物產辨其貢賦降及姬宗六官分職司書掌邦中之板土地之圖司徒以土均之法齊天下之政誦訓

河內縣志

叙傳  
卷三十六

道方志以詔觀事道方慝以知地俗司險達道路保章辨封域皆摠于冢宰以成六典之治周之中葉典籍未亡故我夫子取百二十國之寶書以成春秋漢時計書既上太史郡國地志固亦在焉劉向略言地域張禹使屬朱勲條記風俗班固因之作地理志晉摯虞作畿服經其州郡及縣分野封略事業國邑山陵水泉鄉亭城郭道里土田民物風俗先賢舊好靡不具悉其書已亾後之學者但宗班氏而已若陸澄之所纂任昉之所增唐李吉甫元和之編宋樂史太平之紀皆摠括寰瀛儷于國史下此如潘岳之述關中王範之錄交廣雷次宗獨詳于豫章顧啟期遂傳夫婁地江源士女雅行可書扶南風物殊聞咸紀雖偏採方隅襍陳簿錄皆足以達情



論道辨物類名詮動植之詳喻勸懲之旨使夫遐陬單壤曩厥嘉產登之冊府揚于天下而履其鄉者緇帙啟疏殫察利疚如闕櫛比之中而通其苛媿怡愉之意于以惇禮而拯性頒憲而糾俗執其臬守其經以求砥于大同胥繇是矣我朝聖緒丕承焯爍淳懿元鈞駿模乾奠坤謐餐化羣倫迪龢毗祐擊拱大常覃洎庠四垠九荒岡曩沈墨稷慎大塵莎車挹婁舉厥駢踵之倫靡弗昌樂肉飛蓋蹈首向

王會之圖重譯之紀僉陳于職方惟

聖天子設象以爲民紀搏本肇末比綴以度尤令區夏一意同欲連屬其情秩之軌物故

憲典昭著命守土之吏典修方志以時罔怠所以齊統服并

河內縣志

叙傳  
卷三十六

二

庠刑法至美也河內之爲縣延袤雖僅百里而介于河朔地近宅中首絡太行澤潞之所控也扼河陽倚溫原南臨卽洛東延鄴魏沁丹以爲洫白陘以爲隘風候和傲土澤膏茂轅轍四達沃野平曠自漢以來世治則爲殷阜之區有事則爲據衝之會故多往跡遺址載于群史者尙可考見其民敦愿以謹率義向方碩儒文人遺風未泯鄉曲之間孝友廉讓貞苦卓立之輩不待間世而生不可謂非雅邑也通以虛薄之才黍焉承乏振轂平臬之右褰帷武德之原矚山澤之雄秀喜閭井之蕃滋振裘挈領莫知其端敗駕傷錦默而思懼是用稽前誥求訓典揆今以覲古由迹以度遠而故乘荒蕪遺聞散佚舊所存者非有關駟之精博賈耽之勤蒐漏所應詳



登所宜汰援引鮮據舛互非一况時逾百年未經復修月成歲會久而無徵潛德幽光湮而莫舉遂使文獻之域同于蕞陋老成既謝典刑蔑如是可慨也通以先務是急不敢諱其疏愚竊有修輯之志迺歷考史籍以定其規廣覽篇冊以求其備搜碑碣以辨其異同取公牒以證其釐革延邑人之耆俊俾陳先德之所述進都鄙之耆長使達悃獨之行積之朞月舊章差集然後授簡於友人方君履錢吳君育創繁摘要斂華賁實經之以事緯之以文適前河東觀察劉松嵐先生懸車養逸主講懷州因得就正有道加之刪訂乃有成書通謹按河內之志創于明萬歷二十五年知縣洪洞盧君夢麟而邑人王方伯所用時始舉孝廉實佐其事盧君爲之序略

河內縣志

叙傳  
卷三十六

三

曰世無不志之邑無志者獨河內彼爲其附郡郭凡當志郡志總之矣然則他外屬非摠於郡乎無志是無河內以是縮邑者深思之而前令解州侯公實翔爲之考索故典網羅逸聞屬孝廉王君次第其書適侯以故去役遂中輟不佞至此逾二年而始討舊事以終盛舉更期年而脫草剗剔畢役河內於是乎有志志成於是乎有河內矣夫不佞非敢爲志也仍前政之舊以成其美無亦爲侯公與余同意氣哉睹河內枕山扼河據孟津之上節俠孝義代不乏人皇代建制規模宏遠諸城堡官師戎政夔絕前代文學繁興簡帙增輝而區區所僭陳於楮紳先生及父老子弟者則惟曰風俗其自今敦好尙景行前休使此地人文視昔有加以鳴國家之盛以



無空斯志則不佞與王君之所大幸也志今已佚但求得其序如右越六十一年爲

國朝順治十五年知縣大興孫君灝奉中丞賈公命修輯延邑明經王君玉汝爲之屬筆王君卽方伯所用子也未竣而孫君去任繼之者晉江林君環昌復與邑人刑部郎中蕭君家芝忝訂授梓時順治十七年也林君序曰吾讀禹貢首冀州而先紀底績于覃懷者蓋所以濬治源而普平成之化也河邑有志始于明神宗朝迨

皇清戊戌歲賈宮保撫憲中邦檄各郡邑續殘綴遺垂爲信史誠鉅典也孫君董修河邑志未就亥冬環昌甫莅茲土適逢盛事雖吏務鞅掌而奉命弗違時與鄉先生蕭紫眉諸公

河內縣志

叙傳  
卷三十六

四

忝訂考核有存者有逸者有曩逸而今存者有曩存而今逸者大率嘉美則增而繁則去要克當於可逸可存而止爰自冬徂春壽梨告成乃如瞻疆域形勝則太行屏乎其北丹沁帶乎其東而鼎峙以表赤城之鎮安瀾以沛紫陌之膏者良足重矣闕里鎮土田雖六十三之繡錯棊置萬一千之望杏瞻蒲第迓來畝荒賦劇民瘠徭多且地當荆楊雍冀之孔道軍需旁午絡繹疲于奔命而疏引運漕更爾繁重維艱鴻未寧於攸居漁又苦於竭澤繭絲乎保障乎不禁洊發而深省矣若夫叔達以典農稱太業以清簡著袁鳳翔鑿山開河之蹟王子房捍寇禦侮之勛四公治譜所最表者尸祝弗衰奕世下猶凜凜有生氣至於苟變推重於子思義伯見嘉于楊



俊編洪範外傳而穆元休儒規可宗展魯齊遺書而許文正道風堪挹刷而教化翔洽鴻碩蔚起如何文定之幹時周竹溪之耿槩婁穀原之篤學王行素之史才其質行昭白尤爲榆鄉鼎呂者能不動瑪璫弓冶之佩耶進而披均糧修濟諸疏議以及游沁太行諸咏則指陳時艱惻然可念使讀此志者能不僅作志書觀將見祇慎勵翼同襄化理仰中丞激揚之休功且將與禹之明德偕遠矣此志板頁亦廢求諸故家得其首帙條目所具殊有典法惜不獲全本而讀之也又閱三十年爲康熙二十九年巡撫閣公與邦檄修邑志時知縣事者爲南海李君樓亦延邑人戶部員外郎蕭君家蕙歲貢生史君璉廩生蕭君健同庀其事至康熙三十二年功始竟

河內縣志

叙傳  
卷三十六

五

而李君爲之序曰樓家世粵東以丁卯秋杪縮綬是邑相距數千里地旣濶絕風土亦異初視事茫無畔岸及取邑乘觀之始而知其便槩旣而辨其情俗久而悉其條貫於是廢書歎曰志之不可以已也如是夫庚午秋奉都憲閻公之檄命修邑志諄諄以古良吏相訓諭樓惕然亟延邑紳計部蕭先生任纂修之事于是開局魯齋祠始事於季秋告竣於仲冬業已繕寫成書矣又以脫藁匆遽挂漏猶多乃於今年夏初復理前業期在旁搜遠紹考訂該洽以力追古作者之風樓受而校雙之彬彬乎質而有文簡而有法肅然改容起而謝曰是可以得宰邑之法矣蕭君之序大概亦相同爾又閱一百三十年爲



龍飛道光之三年其夏四月知縣袁通始自汝陽遷劇河內  
明年正月志事始舉匝歲而畢卽捐廉俸付之梓人至五年  
三月其工亦竣凡爲書三十六卷嗚呼通之先人以魁偉絕  
特之才彌綸經術錯綜藝文早膺特徵繼擢甲第入校秘書  
出宰上邑播德宣惠異政洽聞初在建康歎其志乘之疎廢  
乃覃思抒藻纂若干卷刊藏官曹以爲彼邑之典式通無似  
不克守先人之學而幸竊微祿從事此邦尋繹緹素編采故  
實亦獲與賢士大夫共觀厥成小子何足以知此其亦猶先  
人之志也夫其亦猶先人之志也夫乃爲之叙曰

文德鴻昭

天章雲會月山梵勝寵邀

河內縣志

叙傳  
卷三十六

六

玉軌魏君御射唐宗新誠孰與

聖謨炳煥百代臣通謹述

聖製第一

中區豐壤綰河鑰山野王故都衛角所安漢稱巨郡宛潞是  
環唐始置邑昔名未刊二郡五縣遷易既繁或綴或屬隸于  
郊原曷爲浩穰星絡綺連竹柏妙遠黍禾滋蕃開方計里呈  
于簡端述縣境圖第一

附路之精孕彼峻嶒峨峨懸監權輿八陁竦嶂含蕤複岫舒  
屏天井旣闢地肺載疑述縣境諸山圖第二

銅鞮濫觴脅宰太行石門始啓灌寢千里過堰疏渠不均述

陝述沁河圖第三



之水來丹林沙麓九派漸碧潯二十五泉衍其襟滋漑  
所達珍如金慎勿泛溢愁黎黔述丹河圖第四

沈有東支乃潤我懷仁瀆恬流涓涓潛潛穴郭通脉澄源鏡  
開述濟河圖第五

崇墉匪廣河朔襟喉名山枕堞平渠繞霏雲氣晻靄衣冠所  
游劄之輦之以奠爾陬述縣城圖第六

勿謂傳舍夙夜思虔無以莅之荻障猶愆阮生曠朗朱穆貞  
堅景行克仰孰與媵肩述衙署圖第七

壁水環林清穆是崇懷經登降束修禮容述學宮圖第八  
區昔壤續史事繫以表罔不備羅百代誠簡易附沿革規往

志述紀事沿革表第一

河內縣志

叙傳  
卷三十六

七

位惟鄰民如絃貞直哲人宣勞彝典罔斁惟彼不諛俾民大  
棘野王建治歷躋嘉德厥惠勿諉名乃永植官師之錄俊庸  
並列後有君子是懲是則述職官表第二

周武之穆始啟邗封溯漢洎宋或王或公元君斥居入紹大  
宗鄭藩在明九傳乃窮述爵封表第三

韞價敷澤充秀邗閭鴻毛順風揚袖九衢子禮顯經遂舉高  
第先達可懷醇修允繼既貴名騫又思德副由庚在詠曷哉  
衿胄述選舉表第四

營室東映井竿億臻爲締爲鄂翳古名存分畫保圻以諭遂  
人述疆域志第一

太行幹麓傑魄千疊東委金傘西起蛟脊瀆泉徐衍如津貫



觚經山緯川比于桑鄴述山川志第二

晉風褊嗇衛俗織儉酌和安雅禮教相染珍藥盈畦良禾萬鐘爾田爾宅土物土風于于敦愿以洽大同述風土志第三  
五行淑慝偏鍾一隅休徵咎徵時與地殊於鑠

聖代羣麻合符頌呈瑞麥歌集康衢述祥異志第四

肥境萬頃水田十三明季倍征罔顧民器

皇朝均賦農食始厭計粟納算以養以恬歉則

蠲恤

惠澤益覃述田賦志第五

懷有神令時惟袁公疏巨浸修曲防奪彼斥鹵生之稻梁達闕畜流母怠厥功述水利志第六

河內縣志

叙傳 卷三十六

八

明裡與矣嘉薦饗矣爾主百神亦職有常矣粢盛芳醴敢曰非馨何以格之時和歲成述祠祀志第七

魯齋雅化膠序如林釋耒而趨東帶橫琴文翁巴蜀延壽淮陰灑掃儒肆悠悠我心述學校志第八

郵亭官寺郭郭津堤經始有日繕葺有期粵興百堵宜間三時述營建志第九

光武帝業峙此而雄形勝之域戎轂所衝塢壁設屯三十三所何如寇公居若卧虎

乾宇晏安武備宜修磨嚴玉帳坐奠金甌述兵防志第十

坂日羊腸臺名射犬古人不作遺蹤未翦宵宵仙觀闔闔梵

庭駕言出游攄我幽情述古蹟志第十一



中郎入吳迺得詩細茲求鄉成往冊冬翳採輯經論雜錄傳  
記甲乙篇目編以世次述經籍志第十二

河朔片石珍瓊琅驚龍妙畫開奇礪抉幽欲起韋仲將歸山  
金果呈瑤光誰與秘此雲錦章述金石志第十三

玉溪麗藻振轡今古餘膏剩馥揚鱗刷羽燦然高詠緬爾元  
矩屬辭比事軼文咸舉述文詞志第十四

安仁孝若尊風賞流惟袁鳳翔實勤大猷才克禦亂子房最  
優尸祝奉嘗春社秋牖式諮雅範願企前修述循政傳第一

肩道援溺嗟許與何銀管可鏤白圭不磨藹藹粉榆子子蓬  
麻百步懷香十室忠信幽媿具昭植躬宜峻述先賢傳第二

孝爲文本義乃穆行所居心化如響斯應沁水之陽獨楓之  
河內縣志

敘傳  
卷三十六

里實產丁郭肫肫素履幽顯能格百世奮起述孝義傳第三

準仁軌義糜骨無悔正氣盤礴充貫宇內魂兮來歸翁耀靈  
燁廉頑立懦爲邦家徽述忠節傳第四

霜條空谷貞禽不擾士有遐心蟄居塵表名隨迹削氣爲身  
寶羣驚羽人野王二老述隱逸傳第五

運期遠游文若避地樂土可遷是焉僑寄述流寓傳第六  
技進乎道貴爲世用棘猴恥織木鳶徒控甘石俞跗精傳孰

貽機神獨蘊遂炫魁嶠述藝術傳第七  
中闖之操達于紫闥水井夜朗漆帷晝昏孤鶴翔雲女貞在

原過閭則軾有祀必膳述列女傳第八  
鹿野勝因龍嶠靈族俱空萬有自守真獨太行石髓挹之盈



掬元鑰可探塵跡誰屬述釋老傳第九

析謏聞麗簡末列宄行寓屏黜述志餘第十

藝文胥該典物差究民生勤窳山澤延袤實事求是闡微章  
舊懋勸必詳考見或囿大雅嗣音匡厥謏陋述叙傳第十

河內縣志

叙傳  
卷三十六